

序泛泖吟

晉阮嗣宗爲咏懷詩梁昭明止
選十七晉由夜中不能寐始湛
湛長江水終焉而總集云五言
凡八十二首由於心懷寸陰始
墓前熒又者終焉顏延年沈約

序
為之註鍾叅軍謂洋洋乎會於
風雅使人忘其鄙吝知音哉減
榮緒云籍於魏末晉文以代為
步兵校尉常慮禍患故作是詩
夫周山人者生

聖明之代無官守之寄挺箕山
之操耽渭水之栖獨嗜詩篇夙
研風雅凡所占託物以諷緣情
而感和平以體罔乖沉鬱之氣
傲遠又其為人絕戀紛華履幽
人之貞委懷圖史抱書淫之癖
碎金羣玉此其家不貧鑄石歲

山斯其業不朽阮詩九、踰一
周詩幾盈百其於數也則各有
取爾

長洲張敕撰

泛泖吟序

梅墟先生嗜竒好古有道之士也
家鴛鴦湖濱饒蕪葭鳧鷺水月澹
蕩之觀客嘯漁歌風帆煙艇虛無
出沒半落几上余以為若欲呼野
衲而泛斜陽無過此矣乃先生獨

於甲午秋翩然航一葦來雲間湘
籙錦囊所藏金石古文奇字不可
勝紀余肅入寶顏堂雄談滿座佐
以詩歌往又有峰頭笙鶴霄賓霞
侶之奏曰鴛鴦湖不堪濯纓三泖
者故秦由拳縣也吾欲於此中擷

專膾鱸一識孫漢陽袁相國及陳
布衣霜白酒香簪菊枝而別吾無
所復泛矣于是吾輩皆舉觴又先
生先生矢口長吟言又五色昔張
志和樵青釣童唱杏花歌陸龜蒙
浮家汎宅日逍遙於短笛殘鐘之

傍皆有題詠顧未嘗一至泖又今
有周先生詩在豈非山川之大奇
哉余自是手一編枕沙上鳥聽其
歌而休焉樂哉所謂永矢勿諼者
也
友人陳繼儒仲醇甫序



序泛泖吟五十韻

甲午之深秋梅顛興遨遊鱸魚思味羨蓴菜愛
香柔筆牀伴茶竈情與龜蒙速素琴囊靖節海
岳借虛舟華亭訪玄鶴桂檝泛滄洲白蘋如朔
雪紅蓼似山榴遙盼天邊雁驚翻沙上鷗楓杪
綴赤葉柳底鳴斑鳩漁唱聲款乃輕綸繫曲釣
蘆汀隱白鷺窺魚迅爾偷牧子歸東郭農人鋤
西疇霞彩成掩映寒烟靄欲浮飛蓬濟南北賈
搢下中流浮圖高矗矗泖水逝悠悠忽到江邊

岸維纜風帆收白髮頂烏角閒身拽羊裘飄然
陟山徑驅馳尋朋儔得扣袁安宅興登萬卷樓
啜茗滌塵鞅笑談適旅愁長揖出荆扉豈肯久
逗遛昔聞何遜園媚麗違九州今來興可翫頃
爾豁俗眸蒼蒼松柏古猗猗林竹脩石峰峙崔
嵬籬菊幾品優平橋橫曲水碧蘿裊綠楸梅杪
花初放幽蘭芽欲抽獨鶴蹠蹠舞群鹿聲呦呦
沼面魚頭密亭前花色稠翫賞竟忘夕意氣頗
相投話別欲登轍主人陳酒甌評論幾新句興

至漫賡酬仰天發長嘯對酒狂歌謳絳燭明于
晝情濃酒勝油珍菓盈磁碟綺筵列竒羞呼盧
傾玉筍按曲試篴篥且盡杯中物休論公與侯
人生流電影幻質泛浮漚佳期醉夢過光景等
蜉蝣山水任所好富貴不用囚徜徉爲上智吸
酒是良謀落魄天地間任人呼馬牛此夕一舒
笑洗濯胃中憂樓頭玉漏急童豎報更籌梅影
上虛櫺山月斜丹丘清光逼瑶席寒風涼颼颼
欣然至醕酌夜闌興已休借卧陳蕃榻疑是境

上郵高枕梅花帳朝來主復留歸思弦畔箭登
舟意綢繆還家欵笑語猶憶雲間幽

梅墟周履靖識



國家圖書館, NATIONAL CENTRAL LIBRARY, TAIWAN, R.O.C.

泛湖吟

夷門廣牘一百七卷

嘉興周履靖逸之甫著

鴛湖早發

囊琴登畫舫觸霧汎江湄雁壓霜天曉鷄鳴野
店時淡烟迷短檝落月照踈籬蓴菜肥堪煮鱸
魚味正宜

江行

十月雲間棹時光應小春野田無黍稷江艇有
漁人沙上閒鷗鷺溪邊媚蓼蘋前途應未遠泖

塔已相親

覓火漁燈

長天斜照下江湄
鼓櫂舟師報晚炊
前渡遙聞漁唱起
買魚覓火煮青葵

客舟夜話

艤艇江邊遇故人
客途相見倍相親
篷窓對月開山酌
瓦缶和霜煮澗蓴
曲徑期君同咲傲
新詩共爾細評論
我儕亦有山公興
醉卧風前倒角巾

聞漁唱

山人作客卧江濱
古岸丹楓掛玉輪
影上蓬窓眠未穩
數聲欸乃枕邊新

渡泖

一望水連天
風帆晦野烟
漁歌知釣艇
犬吠識村廛
浪色如翻雪
潮聲似奏絃
風高洶滾滾
舟子倦行前

乘潮之泖

放棹乘早潮
潮至如驟雨
江岸忽爾藏
洪波沒

古渡浩蕩目生眩聲高龍怒崩騰入耳繁吞吐
汪瀾泝漾漾蕩孤舟悠悠飛白鷺雲霞水底生
蛟蜃浪中聚巍巍造化機來往無今古高懷奮
野詞焉能擬古賦

潮生

江邊沒古岸新水浸漁磯潮信喧人耳波光潤
客衣魚鰕隨藻汎鷗鷺帶烟飛觸浪孤舟迴舟
師漫指揮

潮落

錦纜迷沙磧蘭橈滯晚汀藻萍隨水去楓葉共
舟停浪影帆前白山光雨後青曉來潮信至趁
水漫揚舲

江岸即事

江流迴古岸帆影上丹楓犬吠村前月蘆藏塞
外鴻角聲宵不絕客思夜無窮靜坐蓬窓下新
詩恨未工

江邊夜泊

停檝暮雲飛殘陽上釣磯白鷗沙際遍黃葉樹

頭稀戍鼓流朱舫寒烟靄翠微朝來風色麗晨
起趁潮歸

觀潮

白雲混碧浪海水雜江流古樹溪邊漾遙天水
上浮沙鷗迷蓼磧漁父失滄洲望極洪濤外令
人逸思悠

江際

孤帆渺渺破蒼烟蘆葦蕭蕭歲暮天萬頃白波
迷斷岸一林黃葉暗長川那堪搖落風塵裏可
得翛然巖穴前自惜年華何更促高吟痛飲夕
陽邊

維舟野岸

一舟維野渡衰柳逼江干映水芙蓉異飄風客
袂寒扶筇任嶮曲遇菊少盤桓訪客天將暝篝
燈笑語歡

登太冲前輩書樓玩史

理禪雲間三泖遊白蘋紅蓼媚滄洲雁聲啞啞
悲秋思菊蕊紛紛破容愁一扣君家問奇字且

移蠟屐上虛樓寶章玉笈盈千帙許假山人幾
卷不

索袁文書跋

海內文章何匹偶華亭詞翰獨稱奇綴成錦繡
存金石留落寰區千載思

出示元人所作水晶筆山詠命以和韻

竒峰列硯頭燦爛逼琳球日近烟雲氣時從狐
兔遊每留棐几跡久逗管城儔倘有珊瑚製煩
君一品優

花壇

東風先到野人家梅吐枝頭蕙吐芽金谷園中
無異卉洛陽傳種四時花

金魚缸

非溪非沼亦非池潏潏鮮鱗躍碧漪日到中庭
呈錦色風掀綠藻露胭脂

訪孫雪居先生

步步入郊墟來登白雪居竒香繞畫棟異卉雜
庭除書滿陳蕃榻盤供張翰魚興濃忘爾我醉

酒啣巾裾

贈雪居先生

當年知白讓君能日駕溪山幾萬層無盡烟霞
生筆底洛陽紙價爲君增

秋日過訪陳仲醇徵君

遺名渾脫屣高志問誰知書逼鍾王蹟詩成漢
魏時硯池無宿墨靈扃有新思挾卷探幽徑尋
君欲問竒

乞仲醇詩章

玉斛珠璣爾占多持箋乞詠得經過陳蕃比日
揮彤管好向山陰換白鷺

夜宿仲醇齋頭

君方掃塵榻我亦下征鞍入徑花繁砌登堂月
滿欄別來年未久相見歲將殘玉匣翻鷺帖挑
燈午夜看

訪孝廉何士抑

江漢共知何水部肩輿直上
堂鼎爨玉壘
盈書几寶軸牙籤混石牀緣知

帝里虛麟閣誰識淞江隱鳳凰我輩相逢由恨
晚雄詞麗句富琳瑯

夜酌士抑池亭

海內聞何遜扁舟試一來池光涵盡棟竹色暗
琴臺曲徑開黃菊清樽泛綠醅話長愁燭短歸
路意徘徊

客途對菊

探竒覓勝陟崎嶇有客相逢問酒壺籬下羣英
堪共對故園三徑恐荒蕪

餐鱸

秋盡丹楓綴釣磯鱸魚江上味甘肥當年張翰
思歸去應是人間此味稀

烹蓴

舟繫江干問採蓴砂鑄烹和勝佳珍憑誰熊掌
兼鱸脯誰識吳淞菜味真

訪孫世聲逸客幽居

曩昔聞高隱今來問所居竒峰當朗牖幽草閉
閒閣黃菊堪供爨玄言可著書吾儕真酒癖乘

興醉君廬

雲間訪小山揚君出示篋中手著玄經一帙
以詩贈之

雲間鼓檝觸青萍載鶴囊琴訪草亭誰識子雲
忘寢食研窮一卷太玄經

別袁丈

得興入華亭連宵飲不停論詩殘玉燭縱酒竭
金瓶醉目看籬菊愁顏對月庭明朝已云別惆
悵上漁舲

別仲醇

明日控雕鞍今宵盃酒寬海鮮呈綺席月色映
花欄離情生意緒別句滿詩垓不忍朝分袂
燈話夜殘

別雪居

湖海聞君竒更竒何堪乍見乍成離明年挾卷
登華館索馬商山隱士居

別士抑

玉笋傾醴醪離筵具異珍鱸魚烹漢鼎杜酒煮

江蓴却憐今夕別應惜故鄉人此時題藻句明日涉風塵愁懷頻對菊別淚欲沾巾寒夜一杯盡何年問主賓

別仲醇一絕

相見正初冬相看意更濃何當明日別未信幾時逢

別世聲逸士

君栽黃菊勝陶家更煮盧仝顧渚茶欲把新詩酬宿酒那知明日汎歸槎

別楊小山

與君相見欲留連喜共山窓細究玄無耐舟師促歸棹相期聯句在明年

寄楊龍源索佳製

舟繫綠楊川逢君在客邊晤言如舊契問句得新聯欲寄山人語因求處士篇明年騎白鶴訂爾一談玄

雲間早蒺二首

畫艇出雲間悠悠過幾灣朔風吹岸柳玉露灑

頽頽白鷺迎孤棹丹楓媚遠山望窮遙漢末歸
鳥夜同還

其二

榭葉飄江岸蘆花影更蕭栖鴻如有約行客若
無聊夢覺方驚曙舟移正落潮歸心渾似箭一
望剡溪遙

孤鶴橫江

客裏逢寒夜蘭橈烟渚停一江臯鶴白夾岸荻
蘆青蓬外踟躕影天邊森列星幾聲清唳發款

枕夢中聽

舟過武塘訪林君舟阿晤及有北上之懷用
詩勉之

扁舟過武塘乘興上君堂林下尋高士尊前醉
楚狂才名流海宇庭菊傲秋霜莫學逸名客揚
鞭整去裝

舟阿齋頭適遭衣藝索詠尺題用小詩一絕
嘲之

曾度週天數能竊病者傷吳綾混毛褐爾善較

其長

贈丹阿林君

君是人間美丈夫詩名芳譽滿江湖當年和靖
稱高節輸却先生幾畫圖

此公善畫

別林丹阿

今宵晤對意歡然豈料朝來返故園恨却榜人
歸思急離情別句不堪言

武塘自然上人結菴禮誦索贈二絕

結箇茅菴倚碧桐幽幽禪榻隱支公數聲清磬

孤雲外了却殘經月上東

其二

小朗浮杯隱翠微蒲團寂寂悟禪機夜深一卷
楞伽畢施食臺前野鴿飛

晚泊武塘

返棹逢天暮移橈傍蓼洲漁燈明渡遠野路入
村悠楊柳隨雲暗鄉心共月留何當值此夜借
宿武塘頭

夜宿荒村

暮色入烟深鐘聲出古林寒枝投鳥鵲江月照
鄉心野外聞松犬村前動暮砧悠然傍蘆渚把
酒得孤吟

武塘早發

披星移遠渡望月過前村薄霧迷郊野輕烟靄
華門孤帆風外急群鳥樹頭喧莫問漁人路更
闌返故園

漁笛

客舟此夕滯松江蓬底開尊月上窓忽聽漁郎

數聲笛悠悠渾是落梅腔

江上聞鴈

孤舟維住綠楊溪霜落蘆花客思悽夢覺蓬窓
天未曉鴈聲嘹唳月初西

寄章閨谷期約

與君分袂忽兼旬話別江頭情更真日暮倚門
頻眺望空齋孤榻爲君陳

抵舍二律

一片飛帆似箭輕寸心如駕白雲橫蓬窓頻換

江中景桂棹掀開水上萍書卷手披成逸興鷺
鷗目送適閒情到家得翫三更月秉燭兒童笑
語迎

其二

收拾行裝入草堂命童開煮去年漿盤烹紫蟹
如玊味飯煮青精勝禹糧醉去不知天欲曉睡
來已覺月臨牀窓前忽聽鷄三唱倏忽虛櫺日
有光

荅陳龍川

子昂話別忽終旬雲水經過訪隱淪報語君家
成一笑朝朝夜夜醉江蓴

寄徐澗卿

知君一棹沉吳門我亦飛蓬過遠村近得新詩
盈竹筒黃昏秉燭與君論

寄秋潭上人

久不到禪栖詩懷更欲迷束書尋酒伴鼓棹混
身鷺因訪華亭鶴無心過虎溪遠公多逸思寄
問幾新題

寄錢太玄索畫

溪藤一幅寄君家欲寫山中幾樹花興到雲山
圖萬疊幽居有客卧烟霞

盛澤景川卜君挾篇見訪

方駐華亭檝俄逢盛澤賢口中談異語袖裏出
竒編古賦篇篇悟新詩字字玄相期卜山水結
社隱林泉

詠史

龜蒙風致望如仙傳世詩章句句玄茶竈筆牀

悲往事芳名千載至今傳

寄定湖謚上人

淵明久不到東林惠遠今來幾度吟昨日華亭
騎鶴返寄題新句慰禪心

寄吳伯度

布帆一片入雲間爲訪騷垓過幾灣兩岼白蘋
迷綠水萬株紅葉綴青山每同狂客花邊醉期
其孤雲世外閒何是山公久不晤寄將甘菊壯
君顏

陳山人見訪

虛簷靈鵲噪應是故人來為問雲間客俱多二
陸才黃花繁曲徑綠酒溢山杯欲盡今宵興毋
煩戍鼓催

寄沈玉宇

一自華亭跨鶴歸吟成五字世應稀寄將俊逸
林泉客為愛淞江蓴菜肥

寄唐岐山

年來雙鬢已垂絲日日花前逢酒卮天畔孤雲

凝斐几庭中獨鶴舞松枝每尋郊外二三叟常
課膝前一兩兒寄言白社諸英俊休把千愁蹙
醉眉

寄仲醇四律

越水吳山任我遊青錢時掛杖藜頭情幽恰似
今何遜性逸還同昔許由海上尋詩跨野鶴湖
中醉酒汎蘭舟華亭多少英豪客好縱醇醪莫
用愁

其二

晴冬扶杖得追隨出郭尋幽步步遲菊徑每逢
林下士松醪時汎竹間卮孤琴曲雅驚山鶴長
嘯聲弘豁醉眉繭楮霜毫呈二美高情寄寫八
行詩

其三

耻向朱門奪錦袍且隨黃雀隱蓬蒿晝吟松牖
同雲迥夜卧藜牀任日高興到汲泉時煮茗閒
來舒卷漫揮毫那知世外風波險日日花間醉
濁醪

其四

常憶嚴灘老釣翁我心應與古人同拋釣坐石
風塵外採藥囊琴巖穴中漫煮青精成野飯旋
斟綠醕享山菘請君靜翫塵中士恰似長江風
轉蓬

贈右山金君西席

就李才華爾獨奇風流渾是晉唐時文章句法
皆枚乘策論言詞擬左思映雪巖冬牕下讀囊
螢炎夜手中披兒曹得近相如席應許水輪竊

桂枝

寄海鹽悅支上人

昨扣華亭處士家支公竒句甚堪誇寫成湖上
烟和雨綴就天邊雲雜霞遊子紛紛登柳岸聞
鷗隊隊點汀沙山人舊有題湖句不及僧家五
字嘉

詠梅譜十二絕

已覓孤山雪難寄隴頭春漫語林和靖能傳月
下神

其二

能譜橫斜影難聞暗裏香渾如水底現恰似月
中芳

其三

昨訪西湖跡圖來形更真不須問何遜鐵榦幾
枝新

其四

灞橋昨日訪折取一枝還挿瓶易憔悴圖寫譜
中看

其五

冰姿瘦嶺多山人何所羨
几上一展舒芬芳
四時見

其六

何須冒白雪不用騎蹇驢
閱遍畫中藪奇幹那
枚無

其七

靜讀廣平賦閒吟何遜詩
無窮冰雪態並向譜
中披

其八

閒翻和靖吟得究歲寒心
問取山人譜餘情寫
玉琴

其九

萼似寒山雪枝如烈士弓
幽姿千萬狀併入畫
圖中

其十

人道占春先我獨四時見
秃筆發枝條澹墨開
梅片

其十一

誰家弄羞笛江城五月中任教三弄罷不肯逐
東風

其十二

桃杏色分別李柰貌相同獨守歲寒操四子稱
下風

題蘭譜十二絕

溪藤取次栽戲寫幾莖開九畹移來象狂蜂誤
去來

其二

幽蘭一種花寫出腦中趣難傳鄭國香影綴楊
炯句

其三

善著花叢艷難追萼瓣馨渾如南浦樹葉葉露
中青

其四

恰做當門樹求香寫更難騷人不堪佩宜向譜
中看

其五

三露浥芳英金風裊綠葉善窮筆底真誤却雙
蝴蝶

其六

昨訪山陰迹圖來意更真竒葩與異葉入譜倍
精神

其七

展卷君可覩求香信無香爲問九畹曲未必有
竒芳

其八

能入松翁譜難栽金谷園紫英一種麗綠葉數
莖繁

其九

可入燕妃夢能傳蜀客琴無窳馥郁態任爾筆
端尋

其十

春光憑我綴紉佩不容君無盡竒葩卉由來難
共群

其十一

根本從南浦移來
蘭楮粧群芳
焉敢並獨讓
數莖芳

其十二

紫莢間綠葉幽馥更殊絕
但可狀其形不堪素手折

題竹譜十二絕

脩脩幾竿竹拂拂傍江濱
戲寫月中影虛心掃俗塵

其二

礮墨分濃淡娟娟舞鳳翰
瀟湘一夜雨寫出畫中看

其三

宿雨溢江湄空庭翠篠滋
呼童滌几研倣寫幾風枝

其四

竊却淇園種分枝入畫中
晴窓閒鑒賞瑟瑟動秋風

之卯令

其五

風枝墨未乾
葉葉舞青鸞
渾似瀟湘夜
縱橫山月寒

其六

晴空舞彩鳳
清影映波中
忽動幽人興
瑤箋寫未工

其七

欲寫碧琅玕
風枝映碧瀾
倩君觀畫法
清影欲團藥

其八

肖爾嶰谷種
蕭蕭烟雨中
秋風搖翠影
似掃落花紅

其九

碧枝含雨氣
翠葉領風聲
忽入圖中賞
時令客思驚

其十

寫竹羨湖州
胸中逸思悠
我儕動清思
臨楮世間留

其十一

碧管分長短綠葉辨雨風若欲別老嫩須憑墨
淡濃

其十二

有幹難栖鳳有葉不裊風欲知聲與色不在畫
工功

詠菊譜十二絕

可綴花邊葉難寫花上霜只堪卷中玩不栽東
籬傍

其二

不必九月九月月皆有難比盆中花此花最
長久

其三

肖却葉與花難辨黃其白山人不可餐但存紙
上跡

其四

誰云梅節操此亦耐歲寒寫寄陶靖節亦肯少
盤桓

其五

昨過東籬畔竊覷三兩莖袖中出綵筆戲寫葉邊英

其六

止可目中玩難插鶴髮頭春夏俱可賞不獨在深秋

其七

寫遍叅差影鋪排葉共花問誰能寄傲還讓此霜葩

其八

難製山人枕堪供處士眸不煩頻灌溉更喜易藏收

其九

肖形似東籬開卷對北牖寄語陶徵君不須巾漉酒

其十

呼童調陰麋戲寫三兩枝開卷就可玩何必訪東籬

其十一

彤管能肖真芬芳楮上陳如逢九月九亦候白衣人

其十二

渾是東籬畔幽然一種芳芬敷枝共葉難辨色
蕪香

寄太冲表丈

話別江頭上釣舟期君望後五湖遊假來書卷如珠玉別去情懷似冷秋猶憶林頭盈漢史還

思壁上掛吳鉤明年買棹淞江泛重訪君家萬
卷樓

寄士抑何孝廉

迂枰歸家月正東思君幽致意何窮東吳才思君能擅西漢文章爾獨工羨矣牙牀橫短劍悠然石几列焦桐展開遙贈珠璣看深愧周顒拜
下風

寄孫雪居

欲窺君高處生平契畫圖鼎彝陳几案竹石列

庭隅昨別情多少今來與有無如逢幽思發圖
寫寄狂夫

陳仲醇索泖上吟詩序

與君不忍話離情強別君家上艇征對酌空齋
嫌短燭相思靈扁恨長更口中詞句渾劉向筆
底文章擬長卿倘得子昂序編首詩家海內恐
知名

寄孫世聲高逸

君家幽致卧烟霞得興追尋汎海槎壁掛畫圖

真可羨篋藏詩句足堪誇盤盛泖土鱸魚膾燻
煮壺中巖岵茶獨坐晴窓憶君興籬邊數種異
黃花

索袁丈泖上吟序

去月乘槎泛泖過吟成一卷楚人歌緣因公瑾
知聞淺持扣袁安識見多君就文章情宛轉我
求藻句意婆娑休將錦繡逢人語恐遇山陰道
士鷺

索何士抑吟序

寄去周顒泛泖吟爲求何遜攬閒心品題編首
千行字收拾詩囊抵萬金

索孫世聲高逸佳句

泖上吟成索品題君家應是愛幽栖可將新句
編端品爾我清名播浙西

寄小山楊太學二絕

得睹玄經逸思增別來由是憶君能却憐檣李
無高逸傲漢桃園拜結朋

其二

研究文章不計年愛君苦思寸心堅蕉箋柿葉
書千片應是齋頭石硯穿

寄龍源楊文學

邂逅楊雄意更濃袁安樓上一相逢倘成竒句
懸鴻足附寄嘉禾慰老農

聞楊太學用百家姓綴成古文一序用詩索

觀二絕

君將百姓綴成文欲向芸窓聞未聞應是興高
多絕筆錦言繡句出人群

其二

獨坐幽窓甚寂寥
竹聲檻畔思蕭蕭
遣伴一丐
竒章覩頃使周顒
俗慮消

聞仲醇高逸纂修貧士傳用詩索覩

昨問君家逸思高
欲將貧士匹英豪
倘成史傳
能聞不附寄鴻群
奮九臯

曩晤仲醇齋頭邂逅范君口云曾授海外異

人煉修內士丹房火候口訣甚詳用古韻

索之

昔遇范隱君口言五千文
自云闕令授五色氣
氤氲我亦烟霞客
欲求得所聞耐因塵未濯
難駕天外雲良夜永不寐
思觀意紛紜倘能附鴈足
頓教俗慮分得覩玄玄
語竒香石鼎焚借却班超筆
欲書羊欣裙惟苦冬日短
倏忽又斜曛若能得書寫
冑中掃塵氛五內即可爽
煉修或能勤筆法欲迺勁
肉少貴骨筋揮灑若豪放
意氣輕右軍不敢示羽客
恐欲籠鷲群小詩成贊帛寄
投甚慙慙倘使手內披
天花落紛紛或言

如秋水或似古三墳有日藏玉笥芳心得欣欣
命孺煮瓊漿百盞未能醺

寄雲間諸友索画藪跋

湯將画藪上堅珉竹樹峰巒幾種新鸞鶴渾疑
松外舞仙真恰似島中親欲求騷客題名筆得
播江湖作異珍寄向華亭林下叟攪煩靈府恐
勞神

索孫漢陽翎毛

王孫圖繪逼黃筌索爲翎毛奕世傳不敢高懸

近庭砌恐驚奮翼遁遙天

其二

畫院昔聞錢舜舉 皇明應許讓孫康遣僮索
取登華館鑒賞還懸隱士堂

詩訂仲醇晤期

別去三旬似隔秋一回相憶思悠悠幾般情緒
言難盡八句詩章意可留泛泖吟成情更逸寄
君書徃量相投相期只在梅花盛理棹重來訪
子猷

寄仲醇秧履羔襪

南疇農父覓青秧補履還勝臘屐良
羸得王喬雙鳥美曳增陽氣足生光

其二

羊羔偶向庖丁覓綴製還從羅襪新
寄效野人獻芹意等閒雙足始回春

謝袁丈假書一絕

不學子房勤進履荷蒙黃石授群書
晴窓玩索先賢語滌濯凡情道念虛

寄仲醇二絕

微情備述幾詩章寄向君家細酌量
同是商山求隱客敢將心事對君揚

其二

齋頭許寄烏皮几遺失鄉居已幾春
欲覓無蹤助煩惱遣童細捕竟無尋

索仲醇泛泖吟前序

扁舟一棹涉江城片片飛帆泛泖行
蓬底哦成江岍語容中吟訪侶儔聲開樽
聯句兼留別抵

含題情共寄賡梓就千行吟集卷上君索序卷
中情

荅姚日門

華亭方駐楫忽枉故人書纔驚三月別恍是數
年餘相思勞夢寐對酒憶君車何日同顏色掩
燈話草廬

甲午之朔晨買棹一訪友欲追子猷情早
發鴛湖柳滌硯調隄麋烹茶洗煩垢七碗
清詩脾絲毫漫援手先味早發題江行句

追後遙望三泖中潮聲和風吼觀潮思無
涯日落相將酉欲賦聽潮篇秉燭坐蓬牖
鷄聲唱江村輕帆到谿口維舟古岸邊囊
琴登土鼻徘徊竹徑過徜徉花外走眺望
綠林中訪友詩已就碧蘿景可觀荆扉靜
可扣庭鶴報主人扶杖出老叟邀我上華
堂慙慙頻話舊靈鷲開晴簷故人忽邂逅
相引入花源竒卉列芳圃翠竹萬竿脩黃
菊下頭秀幽館殿綠叢危樓池畔構金鱗

躍碧波竒峰峙高岫處處可留情石石皆
穿透五柳傍虛亭蒼松穿石竇枝頭鳴幽
禽石上眠異獸苔磯足可濯清流齒可漱
茂林蓄竒觀金谷鋪錦繡主人賞我懷芳
筵列其右鱸魚烹漢鼎江蓴盈籩豆桃核
堆冰盤醋滿提榼卣綠醅泛巨觥妙音歌
舞袖猖狂興不窮簫鼓宮商奏新月上林
梢皎皎如白晝得盡故情歡良夜少羈逗
興成宴集吟吸盡酒一斗狂來不知疲頓

覺忘宇宙談笑情偏濃歡賞得消受山月
沉西江樵樓催玉漏卽席成別言少伸主
情厚揖別到江干歸舟豈能久登棹心頗
澄江流色偏瀏梅蘭竹菊題吟補畫菽趣
詩成四十餘忽到故園淒嬌兒峴上迎童
僕門外候相呼煮晚炊村醪溢瓦缶欲題
寄友詩却恨非瓊玖少追昔人遊逸興事
相耦但可描其真自愧多拙陋梓成泛泖
吟詩約幾千首焉能入巨觀聊將幽情剖



丁未曆甲午孟冬吉日嘉禾梅墟山人周
履靖逸之甫識